

KOMISIJA ZA TUMAČENJE KOLEKTIVNOG UGOVORA ZA DJELATNOST SREDNJEG OBRAZOVANJA U KANTONU SARAJEVO ("Službene novine Kantona Sarajevo" broj 38/22; 47/22 Ispravak; 28/23)

Na osnovu člana 174. Kolektivnog ugovora za djelatnost srednjeg obrazovanja u Kantonu Sarajevo („Službene novine Kantona Sarajevo, broj: 38/22; 47/22 Ispravak; 47/23), u daljem tekstu: Kolektivni ugovor, Komisija za tumačenje Kolektivnog ugovora za djelatnost srednjeg obrazovanja u Kantonu Sarajevo na 17. sjednici održanoj 30.06.2023. godine razmatrala je Zahtjev podnesen od strane JU Druge gimnazije broj 601/23, zaprimljen pod brojem: 11-02-30569, sa upitom koji glasi,

Obraćamo Vam se sa zahtjevom za tumačenje člana 71. stav (6) Kolektivnog ugovora za djelatnost srednjeg obrazovanja u Kantonu Sarajevo („Službene novine Kantona Sarajevo, broj: 38/22), gdje je propisano da pravo na novčanu naknadu ima svaki radnik bez obzira na nastavnu normu/radno vrijeme i broj utvrđenih radnih dana rješenjem o korištenju godišnjeg odmora.

Da li ovo znači da svi radnici imaju pravo na regres, bez obzira na činjenicu da nemaju neprekidno u kontinuitetu 6 mjeseci rada, jer imaju rješenje o korištenju godišnjeg odmora za 2023. godinu, za svaki navršeni mjesec dva dana godišnjeg odmora?

Komisija je donijela sljedeće tumačenje:

Dana 29. juna 2023. godine u Službenim novinama Kantona Sarajevo su objavljene izmjene Kolektivnog ugovora za djelatnost srednjeg obrazovanja, u kojima je propisano da pravo na regres ima svaki radnik koji u toku tekuće kalendarske godine ima pravo na godišnji odmor stečen nakon 6 mjeseci neprekidnog rada.

Član 71. stav (6) Kolektivnog ugovora propisuje da se regres isplaćuje u punom iznosu bez obzira da li radnik radi puno ili nepuno radno vrijeme i bez obzira da li ima zakonom propisan minimum ili maksimalnih 39 radnih dana godišnjeg odmora.

Lamija Husić

Sadeta Selimović

Admir Šuvalić

Sadat Kovačević

Dostavljeno:

1. JU Druga gimnazija Sarajevo,
2. Ministarstvo za odgoj i obrazovanje Kantona Sarajevo,
3. SSVOONK BiH Kantonalni odbor Kantona Sarajevo,
4. Komisiji 4x
5. A/a